

[al., Mansacho], Sancti Juliani, Sancti Rustici, A infestatione turbetur; sed, sicut sanctissimi predecessoris nostri Leonis IX, auctoritate sanctum est, quiete in perpetuum perseveret. Proinde nec extra urbem, nec intra, Auxiensis archiepiscopo et ejus canonice liceat novum cœmeterium instituere; sed tam archiepiscopi quam regulares, aut irregulares clerici, sive laici de quibus consuetudo hactenus fuit, sepulture locum apud vos futuris temporibus sortiantur, etc.

Data apud Moysacum, per manum Joannis, S. Romanæ Ecclesie diaconi cardinalis, in Idus Maii, indict. iv, Dominicæ Incarn. anno 1097 (45), pontificatus autem domini Urbani pape II, anno ix.

CXXVIII.

*Urbani pape II diploma de donatione abbatiæ**Belli-Loci.*

(Anno 1096.)

[*Bibliotheca Cluniacensis*, p. 525.]

URBANUS episcopus, servus servorum Dei, venerabili fratri Hugo, Cluniacensi abbatii, salutem et apostolicam benedictionem.

Belli-Loci monasterium longis iam temporibus sine monasticae regule disciplina fuit, et sicut rerum secularium detrimentis, ita etiam animarum perdicionibus patuit. Et monachi enim abbatem suum seculari praesidio fulti expulerant, et adversus monachos abbas assiduis clamoribus querebatur. Unde etiam locus ille per confratrem nostrum Bituricensem archiepiscopum aliquandiu excommunicationi addictus fuerat; et miles ille Hugo, qui contra easdem monasterio incumbebat, etiam monachis ad prave vivendum patronus extiterat, post secundam vel tertiam admonitionis nostræ dulcedinem beati Petri gladio, et canonice distinctionis ultiōne percussus est. Nunc secundum omnipotentis Dei dispositionem, et frater ille quem a monasterio monachorum inequitia exturbaverat, humanis rebus exemptus est: et miles ille qui seculari potestate monasterium occupabat, presente domino suo comite Raimundo, quidquid ille hactenus potestatis exercuerat, nostris manibus refutavit; et locum ipsum per nos Deo ac beato Petro restituit, rogans et obsecrans ut per tuam et fratrum tuorum sollicitudinem in eodem loco vigor monastici ordinis reparetur. Cujus petitioni assensum prebentes, eundem locum tam tuæ quam tuorum successorum curæ perpetuo regendum ac disponendum præsentis decreti auctoritate committimus, rogantes atque præcipientes ut Belli-Loci monasterium omnino deinceps, tanquam Cluniacensis cœnobii membrum, sollicite regas; et abbatem illic de Cluniacensi semper congregatione constituas, quatenus, auxiliante Domino, per vestram sollicitudinem, vigor illius regularis disciplinæ restauretur, et conservetur.

Datum Tolosæ, x Kal. Junii.

C
Epistola Urbani II pape ad Hugonem abbatem Cluniacensem.

(Anno 1096.)

[Dom BOUQUET, *Recueil*, t. XIV, p. 522.]

URBANUS episcopus, servus servorum Dei, venerabili fratri Hugo, abbati Cluniacensi, salutem et apostolicam benedictionem.

Apostolicæ sedis sollicitudo nos admonet religiosorum locorum quieti attentius providere. Idecirco quas, charissime frater, per communem filium Guidonem S. Orientii priorem et fratres ipsius, preces nequaquam contennendas duximus, tum justitiae universitatis intitu, tum speciali illa dilectione quam tibi, sub eius cura et sui monasterii porta consistunt, omnibusque fratribus tuis pro ampliori religione debemus. Sancti igitur Orientii monasterium in Auxiensis suburbio situm, cui experientiae tuæ præcepto ac dispositione præsidet, cum universis ad id pertinentibus per decreti præsentis paginam vestro Cluniacensi cœnobia confirmantes, apostolicæ sedis auctoritate munimus; illud præcipue ac singulariter statuentes, ut antiqua ipsius cœmeterij constitutio nulla æmolorum quorumlibet

(45) Anno 1096, qui more Pisaniorum computabatur annus 1097, incepitus a die Martii 25 illius anni.